

GRADA

GRAČANIČKI GLASNIK
časopis za kulturnu historijuBroj 54
Godina XXVII
Novembar, 2022.
[str. 227-234]

© Monos 2022

Privredna slika Gračanice, 2021. godine – kratak pregled

Prof. dr. Omer Hamzić (priredio)

U prilogu donosimo privrednu sliku Gračanice, koristeći se podacima iz materijala pod naslovom „Informacija o aktuelnim privrednim kretanjima grada Gračanica u 2021. godini“ koju je Gradsko vijeće Gračanica usvojilo na svojoj 20. sjednici, održanoj, 11. 10. 2022. Riječ je o dosta opširnom dokumentu, obima oko 60 stranica, koji se redovno prezentira Gradskom vijeću, prvenstveno radi informisanja. Prema pokazateljima u ovom dokumentu, može se zaključiti da privreda ovog Grada, bilježi određene pozitivne trendove i da uspješno prevazilazi mnoge teškoće u poslovanju, koje je, u prvom redu prouzrokovala pandemija, ali i ostali faktori na nestabilnom tržištu, u uslovima permanentne političke krize u zemlji itd. Uz glavne indikatore uspješnosti privrede općenito na području grada, na kraju donosimo i tabelarni pregled, odnosno rang listu 20 najuspješnijih kompanija po ostvarenom ukupnom prihodu i dobiti. To su ustvari firme koje čine privredni milje i ekonomsku okosnicu ovoga grada.

Ključne riječi: Gračanica, ekonomija, privređivanje, pandemija

I pored nedostatka sistemskih reformi koje bi mogle voditi ka oporavku i povećanju konkurentnosti lokalne privrede, pokazatelji o poslovanju i investicionim ulaganjima ukazuju na pozitivan trend privrednih kretanja na području Grada Gračanica. Na osnovu standardnih indikatora poslovanja, zabilježen je rast: ukupnog prihoda od 22,46 %, zaposlenosti od 1,30 %, izvoza za 36,19 %, kao i porast dobiti od 35,96 % u odnosu na 2020. godinu.

Analizom (Informacijom) koja je 11. 10. 2022. prezentirana Gradskom vijeću obuhvaćeno je 459 kompanija koje su podnijele finansijske izvještaje Finansijskoj informatičkoj agenciji FBiH za 2021. godinu, što je za 11 manje u odnosu, na prethodnu 2020. U 459 firmi koje su podnijele izvještaj o poslovanju za 2021. godinu bilo je ukupno zaposleno 8.272 radnika, što je za 1,30 % više u odnosu na prethodnu, 2020. godinu, a za 0,41 % manje u odnosu na 2019. godinu.

Struktura lokalne privrede **po djelatnostima** ostala je ista kao i u prethodnim periodima. Najznačajnije učešće po visini ukupnog prihoda imaju sektori prerađivačke industrije (51,31 %), trgovine (28,43 %), građevinarstvo (10,07 %) i prijevoz (3,46 %). Zaključak je da se 51,31 % ukupnog prihoda, 49,75 % dobiti i 54,28 % zaposlenosti, ostvaruje u prerađivačkoj industriji. U djelatnosti trgovine ostvareno je 28,43 % ukupnog prihoda, 32,14 % dobiti i 19,75 % zaposlenosti privrede. Učešće građevinarstva u ukupnom prihodu iznosi 10,07 %, u dobiti 10,49 % i zaposlenosti 11,62 %.

U odnosu na 2019. godinu zabilježen je **porast prosječnih plaća** za 5,81 % (sa 689,00 KM na 649,00 KM), ali je još uvijek ispod prosječnih plaća TK i FBiH i čini 76,05 % prosjeka TK, a 69,18 % prosjeka FBiH. Prosječna penzija od 390,31 KM je niža od prosječne penzije Tuzlanskog kantona i penzija u FBiH i čini 85,25 % prosječne penzije TK (457,85 KM), a 91,21 % prosječne penzije u FBiH (427,91 KM).

Relativno dobra privredna aktivnost u periodu od 2016. do 2019. godine uticala je na **povećanje broja zaposlenih**. Međutim, pandemija COVID-19 i nepovoljna kretanja na tržištu koja je „proizvela“ izazvala su smanjenje zaposlenih i u gračaničkoj privredi.

Stepen zaposlenosti radnoaktivnog stanovništva (stanovništvo u dobi od 15-65 godina), porastao je sa 24,7 % u 2015. na 36,03 % u 2021. godini i iznad je stepena zaposlenosti iz 1991. godine (31,40 %). U Zavodu za zdravstveno osiguranje, evidentirana su 12.662 kao nositelji zdravstvenog osiguranja, od čega je 10.537 iz radnog odnosa, 657 iz samostalnih djelatnosti, 157 dobrovoljnih osiguranika, i 1.311 takozvani inostranih osiguranika. Ako ovom broju dodamo 2.775 poljoprivrednika (kao neformalnu radnu snagu), koji su evidentirani u registru poljoprivrednika, može se zaključiti da je na tržištu rada zaposleno ukupno 13.725 osoba

što je za 17,95 % više u odnosu na 1991. godinu kada je na tadašnjoj opštini Gračanica bilo zaposleno 11.636. Međutim, treba imati u vidu da se po službenim evidencijama još uvijek 4.247 osoba iz takozvane formalne radne snage vode kao nezaposleni.

Logično je da je povećano zapošljavanje, uticalo na smanjenje broja nezaposlenih. Tako je nezaposlenost u 2008. sa 52,2% smanjena na 39,1% u 2021. godini, kada je na području Gračanice evidentirano 7.022 nezaposlenih. U tom pogledu stanje je nešto bolje u odnosu na prosjek TK (gdje je nezaposlenost bila 42,4%), ali je lošije od zabilježenog prosjeka Federacije BiH koji je iznosio 37,20 % U odnosu na 13 općina/gradova TK, Gračanica je sa stepenom nezaposlenosti od 39,1 % druga općina/grad na ljestvici, odmah iza Grada Tuzla sa (29,40 %) i ima znatno nižu nezaposlenost u odnosu na grad Gradačac (41,60 %), grad Srebrenik (51,40 %) i grad Lukavac (45,20 %).

Na osnovu podataka o **spoljno-trgovinskoj razmjeni** u periodu 2008.–2019. godini može se zaključiti da je nastavljeno povećanje poslovne aktivnosti gračaničkih firmi na stranom tržištu. U istom periodu ukupan obim spoljno-trgovinske razmjene povećan je za 55,32 % (sa 282,15 na 438,84 miliona KM). Međutim, u 2020. godini, zbog pandemije i drugih okolnosti došlo je do blažeg smanjenja i izvoza i uvoza. Izvoz je smanjen sa 226,5 miliona KM na 217,09 miliona KM, a uvoz sa 212 miliona, na 194,99 KM. Ipak, u 2020. nije došlo do ozbiljnijeg poremećaja u pogledu pokrivenosti uvoza izvozom domaće robe na strano tržište. Iskazan je pozitivan saldo od 22,10 miliona KM, a pokrivenost uvoza izvozom od 111,33 %, što je znatno povoljnije u odnosu na prosjeke TK i Federacije BiH. Učešće izvoza privrede Grada Gračanica u izvozu Tuzlanskog kantona iznosi 14,24 %, a uvoza 11,55 %. Od 2018. godine privreda Gračanice iz negativnog salda robne

razmjene ulazi u pozitivan saldo i pozitivan trend rasta.

Koeficijent **tekuće likvidnosti** privrede Grada od 1,20 potvrđuje da su kompanije u dobroj poziciji kada je u pitanju izmirenje obaveza tekućim sredstvima. U periodu 2019. – 2021. godina, prosječan broj dana naplate potraživanja smanjen je sa 57,74 na 52,23; Prosječan broj dana obrta zaliha povećan je sa 144,77 na 150,44 dana; Prosječan broj dana plaćanja obaveza prema dobavljačima smanjen je sa 62,38 na 58,52 dana.

U periodu 2019.–2021. godine indikatori solventnosti su se kretali kako slijedi: stepen tuđih izvora sredstava rastao je (sa 51,5 % na 53,1%), stepen kreditnog zaduženja u odnosu na kapital rastao je (sa 44,7 % na 44,9 %). Procenat tuđih izvora sredstava od 53,1 % je viši u odnosu na privredu BiH koji iznosi 49,5 % i top deset kompanija u BiH (28,9 %). Stepent kreditnog zaduženja od 44,9 %, viši je u odnosu na nivo BiH, koja iznosi 34,4 % i top deset kompanija u BiH 15,4 %.

U periodu od 2011. do 2021. godine zabilježen je i **pozitivan trend rasta investicija**. U 105 kompanija godišnje se prosječno gradilo 17.214 m² površine proizvodno-poslovnih prostora (ili ukupno 189.357 m² za navedeni period). Najviše se gradilo u poslovnoj zoni Gračanice, zatim slijedi Stjepan Polje, Donja Lohinja i dr. Samo u 2021. godini tri investitora investirali su u izgradnju tri stambena objekta kolektivnog stanovanja sa ukupno 74 stana.

Podrška poljoprivredi u 2021. ostvarena je u ukupnom iznosu od 2.124.838,00 KM, što je za 2,02 % više u odnosu na 2020. godinu. Iz Budžeta TK realizovano je 897.634 KM što je za 18,8% više u odnosu na prethodnu godinu, dok je iznos iz Budžeta Federacije nešto manji u odnosu na prethodnu godinu. Spomenimo i podatak da je u prethodnih četrnaest godina (od 2008. do 2021. godine)

za podršku poljoprivredi „povučeno“ ukupno 29.313.267,00 KM ili prosječno godišnje 2,09 miliona KM budžetskih sredstava.

To je, svakako, pozitivno uticalo na realizaciju dugoročnih ciljeva u toj oblasti: povećanje obima poljoprivredne proizvodnje, zadovoljenje domaćeg tržišta vlastitim proizvodima, stvaranje tržišno orjentisanih proizvođača, povećanje sjetvenih površina i privođenje kulturi neobrađenog obradivog poljoprivrednog zemljišta, te veće zapošljavanje.

Na rang listi, prema visini **ukupnog prihoda**, 276 kompanija su ostvarile ukupan prihod do 500.000 KM, 139 kompanija ostvarilo je prihod do 5.000.000 KM, a 44 kompanije ostvarile su preko 5.000.000 KM prihoda. Broj kompanija sa ukupnim prihodom do 5 miliona KM povećan je za 2 sa 274 na 276., a kompanija preko 5.000.000 KM prihoda sa 38 na 44. U 2021. godini, 459 firmi ostvarilo je ukupan prihod u iznosu od 968,95 miliona KM, što je više za 177,69 miliona KM ili 22,46 % u odnosu na 2020. godinu, a za 18,43 % u odnosu na 2019. godinu. U strukturi ukupnog prihoda, dvije vodeće djelatnosti ostvarile su ukupno 79,74 % ukupnog prihoda: prerađivačka industrija 51,31 % i trgovina 28,43 % ukupnog prihoda privrede Grada. (rang lista 20 najuspješnijih firmi po ostvarenom prihodu data je u prilogu)

Ukupno iskazana dobit, u 2021. godini, iskazana je u iznosu od 91.900.000 KM (92,079 miliona KM dobiti, a 179 hiljada KM gubitka). To predstavlja povećanje za 35,96 % u odnosu na 2020. godinu i za 47,89 %, u odnosu na 2019. godinu. Dobit je ostvarena manje-više u svim djelatnostima. (rang lista 20 najuspješnijih firmi po ostvarenoj dobiti data je u prilogu)

Ukupna zaposlenost u privredi u 2021. godini povećana je za 1,30 % u odnosu na 2020. godinu. Najveći rast iskazan je u grupaciji „Stručne, naučne i tehničke djelatnosti“ i to za 26,09 % i „Trgovini na veliko i malo, po-

pravaka mot., vozila i motocikala“ od 4,65 %, dok je pad zaposlenih od 22,22 % zabilježen u djelatnosti Poljopriv., šumarstvo i ribolov.

Iz prezentiranih podataka vidljivo je da se 74,03 % ukupne zaposlenosti ostvaruje u prerađivačkoj industriji i djelatnosti trgovine na veliko i malo. Detaljna analiza privredne strukture po djelatnostima pokazuje da se najbolji rezultati ostvaruju u prerađivačkoj industriji: 51,31 % ukupnog prihoda, 49,75 % dobiti i 54,28 % zaposlenosti. Na drugom mjestu je djelatnost trgovine na veliko i malo: 28,43 % ukupnog prihoda, 32,14 % dobiti i 19,75 % zaposlenosti privrede. Učešće građevinarstva u ukupnom prihodu iznosi 10,07 %, dobiti 10,49 % i zaposlenosti 11,62 %.

U prerađivačkoj industriji koja obuhvata 159 poslovnih subjekata, sa 4.490 zaposlenih, ostvareno je 497,14 miliona KM prihoda, odnosno 51,31 % ukupnog prihoda privrede, 45,72 milion dobiti ili 49,75 % ukupne dobiti privrede Grada. U odnosu na 2020. godinu ukupni prihod je viši za 24,82 %. U periodu 2019.-2021. godine, ova grana privrede ostvaruje kontinuirani rast dobiti, izvoza i broja kompanija sa preko 5.000.000 KM prihoda (rast ukupne dobiti od 61,23 %, izvoza od 33,60 %, broja kompanija sa preko 5.000.000 KM prihoda 31,58 %).

U djelatnosti trgovine koja obuhvata 135 poslovnih subjekata sa 1.634 zaposlenih radnika (ili 19,75 % od ukupnog broja zaposlenih u privredi), ostvareno je 275,500 miliona KM ukupnog prihoda odnosno 28,43 % od ukupnog prihoda privrede, a 29,536 miliona KM dobiti ili 32,08 % od ukupne dobiti privrede Grada. U odnosu na 2020. godinu ukupan prihod u djelatnosti trgovine je povećan za 21,84 %, dobit je povećana za 35,41 %, a broj zaposlenih je povećan za 11,31 %.

Prema novoj Metodologiji za izračun indeksa razvijenosti, koji se primjenjuje od

2018. godine, Grad Gračanica se po rang razvijenosti nalazi na 24. mjestu, od 79 općina/gradova u FBiH, a na trećem mjestu u Kantonu Tuzla, poslije Tuzle i Banovića, sa indeksom razvijenosti od 0,94, u III grupi (od pet grupa). Poređenja radi u III grupi su: Grad Gradačac na 35. mjestu i Srebrenik na 44. mjestu.¹

Pokazatelji koji su izneseni u ovoj analizi pokazuju da je i u 2021. godini većina privrednih subjekata ostvarila pozitivno poslovanje iako suočena sa velikim problemima (tržište, ljudski resursi, tehnologija i uslova privređivanja), od kojih su mnogi zajednički bez obzira na industrijsku granu. Većina ima problem sa izlaskom na tržište, posebno na tržište EU, koje se pokazalo kao ključno za napredak BH privrede.

Deficitarni su kvalifikovani kadrovi u gotovo svim nivoima proizvodnje: od majstora, tehničara do rukovodilaca proizvodnje i inženjera. Znanje i vještine još uvijek se zasnivaju na znanju starijih, iskusnih inženjera, čiji je nivo znanja u pogledu novih tehnologija skroman i nedostatan. Evropska konkurencija koristi nove tehnologije za projektovanje i na tome zasniva svoju prednost.

Osim proizvodnih kadrova, izražen je nedostatak kadrova za novi kvalitetan tržišni nastup. Evropska konkurencija na ovu oblast mnogo polaže. Međutim, kod većine promatranih firmi u Gračanici, ova funkcija je zanemarena i malo je kadrova za taj novi pristup tržištu. Gračaničkoj privredi nedostaju podjednako visokoobrazovani i iskusni kadrovi kako u području novih tehnologija, tako i tržišta. Ne primjećuje se neki osmišljen i organizovan pristup rješavanju tih problema.

Morala bi se bolje koristiti konkurentnost Grada kao poduzetničkog centra, za otvaranje novih radnih mjesta, zadržati i privući mlade, iskoristiti potencijale u poljoprivredi,

1 Izvor podataka: „Socioekonomski pokazatelji po općinama FBiH u 2021. godini“. Obrada: Federalni zavod za programiranje razvoja – juni 2022. godine.

koristiti prednosti prekogranične saradnje, osigurati zaštitu životne sredine putem izgradnje komunalne infrastrukture i jačanja međupćinske saradnje, koristiti turističke potencijale i osigurati očuvanje kulturno-historijske baštine itd.

Neophodno je pristupiti iniciranju sistemskog pristupa u razvoju turizma – razvoj turističkih proizvoda (uvezivanje kompleksa termomineralnih voda Terme Gračanica sa historijskom jezgrom Grada i okoline i blizinom Međunarodnog aerodroma Tuzla), usvojiti Akcioni plan rada Turističke zajednicu Grada koja će raditi na pripremi turističke ponude.

Na svim nivoima vlasti neophodno je jačati mehanizme podrške razvoju poduzetništva naročito mikro, malih i srednjih firmi. U partnerstvu sa udruženjima koja djeluju na području Grada, a posebno Udruženjem poljoprivrednika, poljoprivrednih inženjera i tehničara, Udruženjem poslodavaca i samostalnih privrednika, Udruženjem obrtnika i NVO pomagati svim zainteresovanim licima u kreiranju i realizaciji novih proizvodnih radnih mjesta.

SUMMARY

AN ECONOMIC OVERVIEW OF GRAČANICA IN 2021. – A BRIEF REVIEW

In this article we present an economic overview of Gračanica, using the data from the material titled „Information on current economic trends in the city of Gračanica – 2021“, which was adopted by the Gračanica City Council at its 20th session, held on October 11th 2022. This is a rather extensive document, around 60 pages of material, which is regularly presented to the City council, primarily for information purposes. According to the indicators in this document it can be concluded that the economy of this city is seeing certain positive trends and that it is successfully overcoming many difficulties in conducting business, which were primarily caused by the pandemic, but also the factors of an unstable market in the conditions of a permanent political crisis in the country, etc. In addition to the main indicators of economic success in general in the city area, at the end we provide a tabular overview, that is, a ranking list of the 20 most successful companies by total revenue and profit. These are the actual companies that make up the economic framework and backbone of this city.

PRILOG

Pregled najuspješnijih firmi prema ukupnom prihodu, dobiti i prihodu po zaposlenom

Dvadeset najuspješnijih firmi u 2021. godini ostvarilo je ukupan prihod od 531,66 miliona KM, što predstavlja 54,87 % ukupnog prihoda privrede Grada. Ukupan prihod ovih firmi je povećan za 23,9 % u odnosu na 2020. godinu, a povećan za 18,45 % u odnosu na 2019. godinu što se vidi iz slijedeće tabele:

R/ B	Naziv kompanije	Prihod			% ukupnih prihoda u djelatnosti prema zadatim kriterijima administrativne jedinice i veličine kompanija		
		2019	2020	2021	2019	2020	2021
1	MOTOREX DOO Gračanica	54.819.931	49.124.818	60.324.638	6,70%	6,21%	6,23%
2	TRGOVIR d.o.o. Gračanica	42.873.266	39.579.465	56.774.779	5,24%	5,00%	5,86%
3	ZEKA-COMERC DOO	32.768.550	38.054.820	49.795.090	4,01%	4,81%	5,14%
4	ŠIRBEGOVIĆ INŽENJERING D.O.O.	40.604.438	34.004.800	45.772.952	4,96%	4,30%	4,72%
5	Berry Superfos Balkan	37.494.718	36.963.671	45.619.665	4,58%	4,67%	4,71%
6	NASKO Gračanica d.o.o.	26.690.244	27.285.551	29.552.657	3,26%	3,45%	3,05%
7	PLAMINGO d.o.o.	23.313.465	20.772.770	26.197.644	2,85%	2,63%	2,70%
8	EDO-SLAD d.o.o.	19.859.317	17.710.894	25.603.041	2,43%	2,24%	2,64%
9	ISOWOOD d.o.o.	18.500.787	19.728.639	24.895.774	2,26%	2,49%	2,57%
10	SUMAN d.o.o. Gračanica	17.752.516	16.888.148	21.709.893	2,17%	2,13%	2,24%
11	VARIPLAST d.o.o.	16.393.697	14.915.453	20.832.327	2,00%	1,89%	2,15%
12	TERRASIT INSULATION d.o.o. Gračanica	13.437.407	14.680.367	19.952.812	1,64%	1,86%	2,06%
13	JADRINA DOO	12.434.642	13.004.938	15.237.072	1,52%	1,64%	1,57%
14	INDEX d.o.o. Gračanica	16.158.638	11.647.828	14.280.705	1,98%	1,47%	1,47%
15	INGRAT DOO	9.274.583	9.390.064	13.165.967	1,13%	1,19%	1,36%
16	POLY d.o.o. Gračanica	10.259.015	9.204.308	13.107.006	1,25%	1,16%	1,35%
17	RADIUS d.o.o.	9.855.298	11.843.224	13.080.660	1,20%	1,50%	1,35%
18	Roading doo	25.418.071	21.283.817	12.714.064	3,11%	2,69%	1,31%
19	BEMA BA DOO	9.602.670	9.925.890	11.990.215	1,17%	1,25%	1,24%
20	EURO PROST DOO	11.344.989	13.092.893	11.049.367	1,39%	1,65%	1,14%
	Ukupno 20 kompanija - prihod	448.856.242	429.102.358	531.656.328	54,86%	54,23%	54,87%
	UKUPNI PRIHODI U PRIVREDI GRAČANICE	818.149.557	791.258.829	968.952.930	100,00%	100,00%	100,00%

Izvor: LRC Inženjering d.o.o.

Dvadeset najuspješnijih firmi u 2021. godini ostvarile su dobit od 60,91 milion KM što je za 39,19 % povećanje u odnosu na 2020. godinu. Ove firme ostvarile su 62,63 % ukupne dobiti privrede Grada, što se vidi iz slijedeće tabele:

R/ B	Naziv kompanije	Ukupna dobit		
		2019	2020	2021
1	MOTOREX DOO Gračanica	13.257.418	10.585.333	14.433.345
2	Berry Superfos Balkan	3.364.401	4.018.808	5.304.702
3	TRGOVIR d.o.o. Gračanica	1.814.395	1.695.515	4.476.296
4	ZEKA-COMERC DOO	1.908.688	2.986.105	4.042.291
5	ISOWOOD d.o.o.	979.145	1.658.497	3.583.969
6	EDO-SLAD d.o.o.	2.072.016	1.311.155	3.472.796
7	ŠIRBEGOVIĆ INŽENJERING D.O.O.	2.632.230	1.897.298	3.101.769
8	ALIBEGOVIĆ PLAST d.o.o. Gračanica	706.675	1.066.366	2.609.816
9	INDEX d.o.o. Gračanica	2.732.745	1.021.487	2.484.740
10	AMBRA DOO	1.266.075	2.141.633	2.421.003
11	BEMA BA DOO	2.234.407	2.111.597	2.368.242
12	PLAMINGO d.o.o.	718.609	1.456.054	2.074.623
13	DOOMINING&DRILING	68.187	-33.984	1.913.708
14	SUMAN d.o.o. Gračanica	1.665.232	1.644.302	1.651.959
15	Plastoflex doo	20.873	1.537.565	1.333.739
16	TRING d.o.o.	1.755.732	753.007	1.219.963
17	INGRAT DOO	581.760	285.436	1.154.304
18	Radial doo Gračanica	274.157	388.388	1.111.989
19	NASKO Gračanica d.o.o.	1.129.860	1.346.335	1.086.842
20	Džambo d.o.o. Gračanica	17.331	9.157	1.070.585
	Ukupna dobit 20 kompanija	39.199.936	37.880.054	60.916.681
	Ukupni gubitak 20 kompanija	0	0	0
	UKUPNA DOBIT U PRIVREDI GRAČANICE	65.709.304	70.515.334	97.270.337

Izvor: LRC Inženjering d.o.o.

Najuspješnije firme prema visini operativne dobiti – EBIT u periodu 2019. – 2021. godine

R/ B	Naziv kompanije	Operativna dobit		
		2019	2020	2021
1	MOTOREX DOO Gračanica	13.426.145	10.690.082	14.416.102
2	Berry Superfos Balkan	4.211.989	4.322.702	5.874.703
3	ZEKA-COMERC DOO	2.520.234	3.628.833	4.768.424
4	EDO-SLAD d.o.o.	2.435.741	1.721.271	4.373.734
5	ISOWOOD d.o.o.	1.790.288	1.931.358	4.089.724
6	TRGOVIR d.o.o. Gračanica	1.141.476	1.266.693	3.905.723
7	INDEX d.o.o. Gračanica	2.948.725	1.231.466	3.032.772
8	ALIBEGOVIĆ PLAST d.o.o. Gračanica	690.950	1.183.826	3.011.488
9	ŠIRBEGOVIĆ INŽENJERING D.O.O.	3.077.458	1.622.911	2.782.084
10	BEMA BA DOO	2.524.981	2.389.614	2.691.469
11	PLAMINGO d.o.o.	1.106.529	1.781.309	2.498.008
12	DOOMINING&DRILING	-27.781	-44.834	2.116.017
13	SUMAN d.o.o. Gračanica	1.914.788	1.883.971	1.832.688
14	AMBRA DOO	1.078.692	1.132.676	1.551.948
15	Plastoflex doo	64.347	1.752.369	1.401.535
16	TRING d.o.o.	2.038.145	886.723	1.377.620
17	Radial doo Gračanica	444.240	580.466	1.245.135
18	NASKO Gračanica d.o.o.	378.491	1.613.085	1.174.788
19	INGRAT DOO	598.915	329.402	1.141.527
20	EURO-GALANT d.o.o.	339.295	151.936	1.075.632
	UKUPNA OPERATIVNA DOBIT PRIVREDI GRAČANICE	75.135.295	78.685.585	107.071.514

